

Minister Mike de Meza ta lamenta cu oposicion a bin cu insinuacionnan hopi baho den Reunion

ORANJESTAD(AAN): Pa minister Mike de Meza, e reunion di tratamento di Presupuesto, tabata uno basta largo. E ta sigui spli-ca cu siman pasa diamars esaki a cuminsa y ya caba a culmina cu e votacion riba

e presupuesto di 2016. E ta remarca den prome y di dos tanda no tabata tin hopi pregunta. E preguntanan di e diferente fraccionnan den su direccion tabata riba e situacion di e refinera, kico por a informa nan pa loke ta

e futuro di un exploracion of explotaion di gas natural, den subsuelonan di awanan teritorial riba algun cos di medio ambiente. Esey tabata e gran parti di dje y e minister a contesta e preguntanan. Loke tabata remarcabel

cuanto politica tabata worde hunga den e sala. Tin comprension cu den parlamento hopi biaha tin discusionnan politico ta tuma luga. Ta lastima si cu di parti di oposicion, fraccion di MEP, cu tin insinuacionnan hopi



baho y abao, yamando hopi hende pa corrupto, acusa tur hende pa tur sorto di cos y esey ta lastima, pasobra e ta baha e nivel y calidad di Parlamento. Awe aña 2016 ta spera cu e politica y e funcion di parlamento y gobierno ta riba un nivel mas haltu y si scucha e tipo di acusacionnan baho cu a bin for di e fraccion di MEP, ta lasima pasobra atrobe no ta sirbi pueblo cu e tipo di acusacionnan ey sin base. Si bo ta sinti cu bo tin algo corecto cu base, cu argumentacion cu bo ta kere ta real, bo or trece dilati den parlamento na un manera decente y si bo no ta haya un contesta na bo satisfaccion, bo por bay entrega tur sorto di keho na Ministerio Publico. Pero pa bo drenta den parlamento y acusa rumen, mama, tata, famia y amistad di ministernan, riba un manera baho, e ta hopi di lamenta. Ta contento si un banda cu pueblo awendia no ta tuma na agrado e tipo di politica ey, pero e ta lastima si, pasobra ta pueblo di Aruba den su totalidad ta wak esaki y internacionalmente awendia tambe cu internet. Hopi ta esnan cu ta sigui tipo di reunionnan asina pa cualkier interes. Por ta na Hulanda, studiantenan, nos mesun Arubianonan of gobiernonan di Corsou, di Bonaire, St. Maarten, pero di Hulanda tambe ta wak e tipo di nivel abao aki na Aruba, den politica, cual e Minister ta hay'e un lastima.